

CBETA電子佛典集成

CBETA Chinese Electronic Tripitaka Collection
eBook

T19n0967

佛頂尊勝陀羅尼經

唐 佛陀波利譯

目次

- [編輯說明](#)
- [章節目次](#)
 - [御製佛頂尊勝總持經咒序](#)
 - [佛頂尊勝陀羅尼經序](#)
- [卷目次](#)
 - 001
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

御製佛頂尊勝總持經呪序

朕惟如來演大乘教，開方便門，千經萬法，無非為濟度群生，使不淪業報。佛頂尊勝總持經呪者，一切如來智印，廣大慈悲，甚深希有，普利昏迷，實巨海之津梁、幽暗之日月、飢渴之飲食也。世間善男子、善女人、一切眾生，能發菩提心持誦佩服者，其福德種種無盡，永脫諸惡苦趣，從無始以來百千億劫，所積罪業悉皆消除。若晝夜勤修不懈，當得諸佛灌頂，神天擁護，福壽無量。如是勝果，目覩其效，誠實不虛。朕君臨天下，閱斯民之執迷，所作所為墮於惡趣，而不知若斯謬戾，誠為可矜。遂以是經呪，用俾河沙剎土，一切有情均沾利益，壽延福增，同臻佛道。又況佛有誓盟，廣濟眾生，必先度忠孝。凡忠臣孝子身生中國，又逢治世，受種種快樂，皆由其事君、事親能盡其道，又能敬禮三寶修積善因，舉足之頃，即登覺路。若夫為惡之徒，昧於改悟，所作所為，日甚一日，造業深重，甘心墮落，身如沐漆，求潔實難。隕墜幽局，何由出世？苟能回心向善，即此一路，可超出劫塵也。

永樂九年六月 日

佛頂尊勝陀羅尼經序

佛頂尊勝陀羅尼經者，婆羅門僧佛陀波利儀鳳元年從西國來至此漢土，到五臺山次，遂五體投地向山頂禮曰：「如來滅後，眾聖潛靈，唯有大士文殊師利於此山中汲引蒼生，教諸菩薩。波利所恨生逢八難，不覩聖容，遠涉流沙，故來敬謁。伏乞大慈大悲，普覆令見尊儀。」言已悲泣兩淚，向山頂禮。禮已舉首，忽見一老人從山中出來，遂作婆羅門語謂僧曰：「法師情存慕道，追訪聖蹤，不憚劬勞遠尋遺跡。然漢地眾生多造罪業，出家之輩亦多犯戒律，唯有《佛頂尊勝陀羅尼經》能滅眾生一切惡業。未知法師頗將此經來不？」僧報言曰：「貧道直來禮謁，不將經來。」老人言：「既不將經來，空來何益？縱見文殊，亦何得識？師可却向西國取此經將來流傳漢土，即是遍奉眾聖，廣利群生，拯濟幽冥，報諸佛恩也。師取經來至此，弟子當示師文殊師利菩薩所在。」僧聞此語不勝喜躍，遂裁抑悲淚，至心敬禮。舉頭之頃忽不見老人，其僧驚愕，倍更虔心，繫念傾誠，迴還西國，取《佛頂尊勝陀羅尼經》，至永淳二年迴至西京，具以上事聞奏大帝。大帝遂將其本入內，請日照三藏法師，及勅司賓寺典客令杜行顛等共譯此經。勅施僧絹三十匹，

其經本禁在內不出。其僧悲泣奏曰：「貧道捐軀委命，遠取經來，情望普濟群生，救拔苦難，不以財寶為念，不以名利關懷，請還經本流行，庶望含靈同益。」帝遂留翻得之經，還僧梵本。其僧得梵本，將向西明寺，訪得善解梵語漢僧順貞，奏共翻譯，帝隨其請。僧遂對諸大德共順貞翻譯訖，僧將梵本遂向五臺山，入山於今不出。今前後所翻兩本並流行於代，其中小小語有不同者，幸勿怪焉。至垂拱三年，定覺寺主僧志靜，因停在神都魏國東寺，親見日照三藏。法師問其逗留，一如上說。志靜遂就三藏法師諮受神呪，法師於是口宣梵音，經二七日，句句委授，具足梵音一無差失，仍更取舊翻梵本勘校，所有脫錯悉皆改定，其呪初注云「最後別翻」者是也。其呪句稍異於杜令所翻者，其新呪改定不錯并注其音，訖後有學者幸詳此焉。至永昌元年八月，於大敬愛寺見西明寺上座澄法師，問其逗留，亦如前說。其翻經僧順貞見在住西明寺。此經救拔幽顯，最不可思議，恐有學者不知故，具錄委曲，以傳未悟。

佛頂尊勝陀羅尼經

罽賓國沙門佛陀波利奉 詔譯

如是我聞：

一時，薄伽梵在室羅筏，住誓多林給孤獨園，與大苾芻眾千二百五十人俱，又與諸大菩薩僧萬二千人俱。

爾時，三十三天於善法堂會，有一天子名曰善住，與諸大天遊於園觀，又與大天受勝尊貴，與諸天女前後圍繞，歡喜遊戲，種種音樂，共相娛樂，受諸快樂。

爾時，善住天子即於夜分聞有聲言：「善住天子却後七日命將欲盡，命終之後生贍部洲，受七返畜生身，即受地獄苦。從地獄出，希得人身，生於貧賤。處於母胎，即無兩目。」

爾時，善住天子聞此聲已，即大驚怖，身毛皆豎，愁憂不樂，速疾往詣天帝釋所，悲啼號哭，惶怖無計。頂禮帝釋二足尊已，白帝釋言：「聽我所說。我與諸天女共相圍繞受諸快樂，聞有聲言：『善住天子却後七日命將欲盡。命終之後生贍部洲，七返受畜生身，受七身已即墮諸地獄，從地獄出，希得人身，生貧賤家，而無兩目。』天帝！云何令我得免斯苦？」

爾時，帝釋聞善住天子語已，甚大驚愕，即自思惟：「此善住天子受何七返惡道之身？」爾時，帝釋須臾靜住，入定諦觀，即見善住當受七返惡道之身，所謂豬、狗、野干、獼猴、蟒蛇、烏、鷲等身，食諸穢惡不淨之物。爾時，帝釋觀見善住天子當墮七返惡道之

身，極助苦惱，痛割於心，諦思：「無計，何所歸依？唯有如來、應、正等覺，令其善住得免斯苦。」

爾時，帝釋即於此日初夜分時，以種種花鬘、塗香、末香，以妙天衣莊嚴執持，往詣誓多林園。於世尊所，到已頂禮佛足，右繞七匝，即於佛前廣大供養，佛前胡跪，而白佛言：「世尊！善住天子云何當受七返畜生惡道之身？」具如上說。

爾時，如來頂上放種種光，遍滿十方一切世界已，其光還來繞佛三匝，從佛口入。佛便微笑告帝釋言：「天帝！有陀羅尼名為『如來佛頂尊勝』，能淨一切惡道，能淨除一切生死苦惱，又能淨除諸地獄、閻羅王界、畜生之苦，又破一切地獄，能迴向善道。

「天帝！此佛頂尊勝陀羅尼，若有人聞，一經於耳，先世所造一切地獄惡業，悉皆消滅，當得清淨之身，隨所生處憶持不忘。從一佛剎至一佛剎，從一天界至一天界，遍歷三十三天，所生之處憶持不忘。

「天帝！若人命欲將終，須臾憶念此陀羅尼，還得增壽，得身口意淨，身無苦痛，隨其福利隨處安隱，一切如來之所觀視，一切天神恒常侍衛，為人所敬，惡障消滅，一切菩薩同心覆護。

「天帝！若人能須臾讀誦此陀羅尼者，此人所有一切地獄、畜生、閻羅王界、餓鬼之苦，破壞消滅，無有遺餘。諸佛剎土及諸天宮，一切菩薩所住之門，無有障礙，隨意趣入。」

爾時，帝釋白佛言：「世尊！唯願如來為眾生說增益壽命之法。」

爾時，世尊知帝釋意心之所念，樂聞佛說是陀羅尼法，即說呪曰：

◎「曩謨(一) 婆誡縛帝(二) 怛唎(二合)路枳也(三)(二合) 鉢囉底(四) 尾始瑟吒(二合)野(五) 沒馱野(六) 婆誡縛帝(七) 怛爾也(二合)他(八) 唵(九) 尾戍馱野(十) 娑麼娑麼三滿哆(十一) 縛娑娑(十二) 娑頗(二合)囉拏(十三) 藥帝誡賀曩(十四) 娑縛(二合)娑縛尾秣弟(十五) 阿鼻洗左覩[牟*含](十六) 素藥哆(十七) 縛囉縛左曩(十八) 阿蜜唼(二合)哆(十九) 鼻曬鬪(二十) 摩賀曼怛囉(二合)播乃(二十一) 阿賀囉阿賀囉(二十二) 阿庾散馱囉柅(二十三) 戍馱野戍馱野(二十四) 誡誡曩尾秣弟(二十五) 鄔瑟膩灑(二十六) 尾惹野尾秣弟(二十七) 娑賀娑囉(二十八)(二合) 囉濕銘(二十九)(二合) 散[口*祖]爾帝(三十) 薩縛怛他藥哆(三十一) 縛路迦[寧*頁](三十二) 殺播(引)囉弭哆(三十三) 跋哩布囉柅(三十四) 薩縛怛他(引)藥哆(三十五) 紇哩(二合)娜野(三十六) 地瑟姪(二合)曩(三十七) 地瑟耻(二合)跢(三十八) 摩賀母捺哩(三十九)(二合) 縛日囉(二合)迦野(四十) 僧賀跢曩尾秣弟(四十一) 薩縛縛囉拏(四十二) 跋野訥藥帝(四十三) 跋哩尾秣弟(四十四) 鉢囉(二合)底(四十五) [寧*頁]襪跢野(四十六) 阿欲秣弟(四十七) 三摩野(四十八) 地瑟耻(二合)帝(四十九) 麼

梘麼梘(五十) 摩賀麼梘(五十一) 但闍哆(五十二) 部踰句致(五十三) 跛哩耠弟(五十四) 尾翠普(二合)吒(五十五) 沒地耠弟(五十六) 惹野惹野(五十七) 尾惹野尾惹野(五十八) 娑麼囉(五十九) 薩嚩沒馱(六十) 地瑟耻(二合)哆耠弟(六十一) 嚩日哩(二合)嚩日囉(二合)藥陸(六十二) 嚩日嚩(六十三)(二合) 婆嚩覩麼麼(六十四)(稱名) 舍哩嚩(六十五) 薩嚩薩怛嚩(六十六)(二合) 難(上)左迦野(六十七) 尾耠弟(六十八) 薩嚩誡帝(六十九) 跛哩耠弟(七十) 薩嚩怛他藥哆(七十一) 三麼濕嚩(二合) 娑演覩(七十二) 薩嚩怛他藥哆(七十三) 三麼濕嚩(二合)娑(七十四) 地瑟耻(二合)帝(七十五) 沒地野沒地野(七十六) 尾沒地野(七十七) 冒馱野冒馱野(七十八) 尾冒馱野尾冒馱野(七十九) 三滿哆(八十) 跛哩耠弟(八十一) 薩嚩怛他藥哆(八十二) 紇哩(二合)娜野(八十三) 地瑟姪(二合)曩(八十四) 地瑟耻(二合)哆(八十五) 摩賀母捺嚩(二合) 娑嚩(二合)賀」

佛告帝釋言：「此呪名『淨除一切惡道佛頂尊勝陀羅尼』，能除一切罪業等障，能破一切穢惡道苦。天帝！此大陀羅尼，八十八殞伽沙俱胝百千諸佛同共宣說，隨喜受持，大日如來智印印之，為破一切眾生穢惡道苦故，為一切地獄、畜生、閻羅王界眾生得解脫故，臨急苦難、墮生死海中眾生得解脫故，短命、薄福、無救護眾生、樂造雜染惡業眾生得饒益故。又此陀羅尼於瞻部洲住持力故，能令地獄惡道眾生、種種流轉生死薄福眾生、不信善惡業失正道眾生等，得解脫義故。」

佛告天帝：「我說此陀羅尼付囑於汝，汝當授與善住天子，復當受持、讀誦、思惟、愛樂、憶念、供養，於瞻部洲與一切眾生，廣為宣說此陀羅尼印，亦為一切諸天子故，說此陀羅尼印，付囑於汝。天帝！汝當善持守護，勿令忘失。天帝！若人須臾得聞此陀羅尼，千劫已來積造惡業重障，應受種種流轉生死，地獄、餓鬼、畜生、閻羅王界、阿修羅身、夜叉、羅刹、鬼神、布單那、羯吒布單那、阿波娑摩囉、蚊虻、龜、狗、蟒蛇、一切諸鳥及諸猛獸、一切蠢動含靈，乃至蟻子之身，更不重受。即得轉生，諸佛如來、一生補處菩薩同會處生，或得大姓婆羅門家生，或得大刹利種家生，或得豪貴最勝家生。天帝！此人得如上貴處生者，皆由聞此陀羅尼故，轉所生處，皆得清淨。天帝！乃至得到菩提道場最勝之處，皆由讚美此陀羅尼功德。如是，天帝！此陀羅尼名為『吉祥能淨一切惡道』。此佛頂尊勝陀羅尼，猶如日藏摩尼之寶，淨無瑕穢，淨等虛空，光焰照徹，無不周遍。若諸眾生持此陀羅尼，亦復如是，亦如閻浮檀金明淨柔軟，令人喜見，不為穢惡之所染著。天帝！若有眾生持此陀羅尼，亦復如是，乘斯善淨，得生善道。天帝！此陀羅尼

所在之處，若能書寫、流通、受持、讀誦、聽聞、供養，能如是者，一切惡道皆得清淨，一切地獄苦惱悉皆消滅。」

佛告天帝：「若人能書寫此陀羅尼，安高幢上，或安高山，或安樓上，乃至安置翠堵波中，天帝！若有苾芻、苾芻尼、優婆塞、優婆夷、族姓男、族姓女，於幢等上或見，或與相近，其影映身，或風吹陀羅尼上、幢等上，塵落在身上，天帝！彼諸眾生所有罪業，應墮惡道、地獄、畜生、閻羅王界、餓鬼界、阿修羅身惡道之苦，皆悉不受，亦不為罪垢染污。天帝！此等眾生，為一切諸佛之所授記，皆得不退轉於阿耨多羅三藐三菩提。」

「大帝！何況更以多諸供具：華鬘、塗香、末香、幢幡蓋等，衣服、瓔珞，作諸莊嚴，於四衢道造翠堵波，安置陀羅尼，合掌恭敬，旋繞行道，歸依禮拜？天帝！彼人能如是供養者，名摩訶薩埵，真是佛子，持法棟梁，又是如來全身舍利翠堵波塔。」

爾時，閻摩羅法王於時夜分來詣佛所。到已以種種天衣、妙華、塗香莊嚴，供養佛已，繞佛七匝，頂禮佛足，而作是言：「我聞如來演說讚持大力陀羅尼，故來修學。若有受持讀誦是陀羅尼者，我常隨逐守護，不令持者墮於地獄，以彼隨順如來言教而護念之。」

爾時，護世四天大王繞佛三匝，白佛言：「世尊！唯願如來為我廣說持陀羅尼法。」

爾時，佛告四天王：「汝今諦聽！我當為汝宣說受持此陀羅尼法，亦為短命諸眾生說。當先洗浴，著新淨衣，白月圓滿十五日時，持齋誦此陀羅尼，滿其千遍，令短命眾生還得增壽、永離病苦，一切業障悉皆消滅，一切地獄諸苦亦得解脫。諸飛鳥、畜生、含靈之類，聞此陀羅尼，一經於耳，盡此一身更不復受。」

佛言：「若人遇大惡病，聞此陀羅尼，即得永離。一切諸病，亦得消滅。應墮惡道，亦得除斷。即得往生寂靜世界，從此身已後，更不受胞胎之身。所生之處蓮華化生，一切生處憶持不忘，常識宿命。」

佛言：「若人先造一切極重惡業，遂即命終，乘斯惡業，應墮地獄，或墮畜生、閻羅王界，或墮餓鬼乃至墮大阿鼻地獄，或生水中，或生禽獸異類之身。取其亡者隨身分骨，以土一把，誦此陀羅尼二十一遍，散亡者骨上，即得生天。」

佛言：「若人能日日誦此陀羅尼二十一遍，應消一切世間廣大供養，捨身往生極樂世界。若常誦念，得大涅槃，復增壽命，受勝快樂。捨此身已，即得往生種種微妙諸佛剎土，常與諸佛俱會一處，一切如來恒為演說微妙之義，一切世尊即受其記，身光照曜一切剎土。」

佛言：「若誦此陀羅尼法，於其佛前，先取淨土作壇，隨其大小，方四角作。以種種草華散於壇上，燒眾名香，右膝著地胡跪，心常念佛，作慕陀羅尼印。屈其頭指，以大母指押，合掌當其心上，誦此陀羅尼一百八遍訖，於其壇中如雲王雨華，能遍供養八十八俱胝殑伽沙那庾多百千諸佛。彼佛世尊咸共讚言：『善哉希有！真是佛子！』即得無障礙智三昧，得大菩提心莊嚴三昧。持此陀羅尼法應如是。」

佛告天帝：「我以此方便，一切眾生應墮地獄道，令得解脫，一切惡道亦得清淨，復令持者增益壽命。天帝！汝去將我此陀羅尼授與善住天子，滿其七日，汝與善住俱來見我。」

爾時，天帝於世尊所受此陀羅尼法，奉持還於本天，授與善住天子。爾時，善住天子，受此陀羅尼已，滿六日六夜，依法受持，一切願滿。應受一切惡道等苦，即得解脫，住菩提道，增壽無量，甚大歡喜，高聲歎言：「希有如來！希有妙法！希有明驗！甚為難得，令我解脫！」爾時，帝釋至第七日，與善住天子將諸天眾，嚴持華鬘、塗香、末香、寶幢、幡蓋、天衣、瓔珞，微妙莊嚴，往詣佛所，設大供養，以妙天衣及諸瓔珞供養世尊，繞百千匝，於佛前立，踊躍歡喜，坐而聽法。

爾時，世尊舒金色臂，摩善住天子頂，而為說法，授菩提記。佛言：「此經名『淨除一切惡道佛頂尊勝陀羅尼』，汝當受持。」

爾時，大眾聞法歡喜，信受奉行。

佛頂尊勝陀羅尼經

◎那莫薄伽跋帝(一) 啼隸路迦(稽哪反)鉢囉底(哪翊可反)毘失瑟咤哪(長余何反聲，下同)勃陀耶(一云歸命聖尊三世勝覺)(二) 薄伽跋底(三) 怛姪他(四) 唵(長)(五) 毘輸陀耶(馱音大)娑摩三漫多皤娑娑(漫音文)(六) 娑破囉拏揭底伽訶那娑娑皤輸梳地(輸律反，下音同)阿鼻洗(去聲)者蘇揭多伐折那(八) 阿[口*蜜]唎多毘囉(平音)罽(九) 阿(上聲)訶羅(去聲)阿訶羅(下同)(十) 阿輸散陀(長聲)羅尼(十一) 輸馱耶輸馱耶(馱音並太)(十二) 伽伽那毘梳提(那去)(十三) 烏瑟尼沙毘逝耶梳提(輸音十四舜入) 娑訶娑囉喝囉濕弭珊珠地帝(帝音佞)(十五) 薩婆怛他揭多地瑟咤(長聲)那頰地瑟恥帝(亦丁儻反)慕[口*姪]隸(慕音母干隸音犁)(十六) 跋折囉迦(長聲)耶僧訶多那梳提(十七) 薩婆伐羅拏毘梳提(十八) 鉢囉底(底丁儻反)儻伐怛耶阿瑜梳提(十九) 薩末耶阿地瑟恥帝(底丁儻反，帝音佞)(二十) 末禰末禰(二十一) 怛闍多部多俱胝鉢唎梳提(二十二) 毘薩普吒勃地梳提(毘音弭，薩音悉)(二十三) 社耶社耶(餘何反，下同)(二十四) 毘社耶毘社耶(二十五) 薩末囉薩末囉勃陀頰地瑟恥多梳提(底丁儻反)(二十六) 跋折梨跋折囉揭鞞(二十七) 跋折濫婆伐都(二十八) 麼麼(受持者於此自稱名)薩婆薩埵[口*寫]迦(長聲)耶

毘耇提(二十九) 薩婆揭底鉢唎耇提(底丁爾反)(三十句) 薩婆怛他揭
 多三摩濕婆娑遏地瑟恥帝(底丁爾反)(三十一)(帝音佞也) 勃陀(地耶反)
 勃陀(同上) 菴馱耶菴馱耶(馱音太) 三漫多鉢唎耇提(三十二) 薩婆怛他
 揭多地瑟咤(長聲) 那頰地瑟恥帝(底丁爾反)(三十三) 娑婆訶
 ◎那謨薄伽跋帝(一) 啼隸路迦(稽哪切) 鉢囉底毘失瑟咤哪(餘何切, 下
 同, 長聲) 勃陀耶(一云歸命聖尊三世勝覺)(二) 薄伽跋底(三) 怛姪他
 (四) 唵(長聲)(五) 毘輸馱(音太) 耶娑摩三漫(音文) 多皤婆娑(六) 娑
 破囉拏揭底伽訶那(七) 娑婆皤輸耇(輸律切, 下同) 地阿鼻誑(去聲) 者
 蘇揭多伐折那(八) 阿嚩嚩多毘囉鷄(取闕切, 平聲)(九) 阿(上聲) 訶羅
 (去聲) 阿訶囉(下同)(十) 阿瑜散陀(長聲) 羅尼(十一) 輸(舜入聲) 馱(音
 太, 下同) 耶輸馱耶(十二) 伽伽那(去聲) 毘耇提(十三) 烏瑟尼沙毘逝
 耶耇提(十四) 娑訶娑囉喝囉濕弭珊珠地帝(十五) 薩婆怛他揭多地
 瑟咤(長聲) 那頰地瑟恥帝(丁爾切) 慕(音母) [口*姪]隸(音犁)(十六) 跋折
 囉迦(長聲) 耶僧訶多那耇提(十七) 薩婆伐羅拏毘耇提(十八) 鉢囉底
 (丁爾切) 爾伐怛耶阿瑜耇提(十九) 薩末那阿地瑟恥帝(音低)(二十)
 末禰末禰(二十一) 怛闍多部多俱胝鉢唎耇提(二十二) 毘(音弭) 薩(音
 悉) 普吒勃地耇提(二十三) 社耶社耶(餘何切, 下同)(二十四) 毘社耶毘
 社耶(二十五) 薩末囉薩末囉勃陀頰地瑟恥多耇提(二十六) 跋折梨
 跋折囉揭鞞(二十七) 跋折濫婆伐都(二十八) 麼麼(受持者於此自稱名)
 薩婆薩埵[口*寫]迦(長聲) 耶毘耇提(二十九) 薩婆揭底(丁爾切) 鉢唎耇
 提(三十) 薩婆怛他揭多三摩濕婆娑遏地瑟恥帝(低字呼)(三十一) 勃
 陀(地耶切) 勃陀(同上) 菴馱(音太) 耶菴馱(音太) 耶三漫多鉢唎耇提(三十
 二) 薩婆怛他揭多地瑟咤(長聲) 那頰地瑟恥帝(三十三) 娑婆訶

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
